



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apodixes, Sive Demonstrationes Tres Horrendarvm Blasphemiarvm Ecclesiae A Calvino Reformatae, Circa tres primos Symboli Catholici Articulos

Bosendorf, Hermann

Monasterii VWestphaliae, 1608

Thesis Decimasexta.

urn:nbn:de:hbz:466:1-35415

merito erubesceret ad suas ineptias, de S. Stephano etiam pleno, de Zacharia & Ioanne Baptista item plenis; quasi non eorum plenitudo sit secundum quid & ad mensuram, ista vero Christi simpliciter sit plenitudo, qualis debita fuit θεοτόκος homini deificato, & infinite digno. Nec est quod expectet sibi responderi, ad ea quæ pro defendendis caluini locis corrasit de gratiæ Christi augmento. Verba sunt & præterea nihil. Iam supra dictum est Christum profecisse, non secundum gratiæ sapientiæq; habitum, sed quoad eius effectum, & ostensionem.

Sancti pleni gratia fuere plenitudine sufficientiæ, virgo mater plenitudine prærogatiuæ Christus plenitudine superabundantiæ.

THESIS DECIMASEXTA.

Iam vero Natiuitas sic habet, vt natus sit ex Maria non virgine. Reiecto enim Papistarum figmento, ait *Molineus* in Harm. 4. Euang. part. 3. quod filius eius vt radius solis per vitrum, sic per vterum illæsum transiuit; dicendum & credendum est, quod naturaliter ruptis obicibus, id est claustro & virginali integritate lesa, & apertis locis exiuit ac natus est, & quod diuulsus distractisq; vteri partibus (Beza contra Brent.) egressus sit. Proinde non est quod miremur, si ex partu vti cætera mulieres in peccatis concepta, & concipientes, maledictioniq; Eua obnoxia; ita & ipsa benedicta Mater Iesu infirmata sit, eaq; causa eius in Egyptum fugam Deus tantisper, dum è puerperio reualesceret, viresq; itineri necessarias repararet, distulerit. vt nihil diuinum cogitans philosophatur Cal-

VINUS

uinus in Harm. ad c. 2. Matthei. *Nec interest in fide Evangelica secundum Euangelium Beza* in præfat. noui testam. (in quo nulla diu potest incorrupta virgo persistere) vt post Christum natum in virginitate vixerit. Illud scire pretium est, quod non malignè minus Dei potètiã, quàm Zacharias restrinxerit, Calu. in ca. 1. Luc. v. 34. quod fines suos sæpè excesserit, Calu. in cap. 12. Matth. & Luc quod intempestiuè festina fuerit; (Ibid.) quod superba Deo se prætulèrit; in c. 2. Luc. in Harmon. quod quo tempore morienti in cruce Filio ex ardētissimo amoris affectu astitit, in primum, quintum, sextum, nonum Decalogi præceptum peccarit mortaliter (Buny. in exercitio Christian.) *Prò! quàm beata iudicio Calvinianorum vbera, quæ suxit Dei Filius; quàm gratia plena, & benedicta inter mulieres Mater Domini; quàm fecit genitrici suæ magna, qui potens est & sanctum nomen eius!*

CAPVT IV.

Matrem Christi Calvinistici non esse Virginem.

Requisita
ad perfectã
virginitatem,

VT perfecta sit quæpiam virgo, duo requiruntur: vnum in mente, alterum in corpore. In mente necessaria est voluntas seruandi integritatem castitatemq; vt Docet D. Thom. 2^a. 2^a. q. 152. in corpore requiritur integritas